

CHURCH OF CHRIST, NEW DELHI/ FAMILY FELLOWSHIP-I

Family Fellowship-I chi a minvuah in, Church of Christ, Yusuf Sadan, New Delhi a bekhawm te'n sepsuah dia gelhkhohh a omsa bang in nisism March 23, 2024 in –**Khristiante'n Tate Etkolna(Christian Upbringing of Children)** chich thulu azang in, Yusuf Sadan, ah anuai a bang in program zingkallam hun dak 11:00 AM-1:00 PM kikal kinei hi.

MORNING SESSION (11:00 AM -1:00 PM)

Recording Secretary Sei Robert

Sermon Session (11 AM -12 Noon)

Conductor Janglet

Song Leader Lang James

Speaker Thongginlian

Topic **Christian Upbringing Of Children In A Pagan Environment.**

Program coordinator Unaupa L. James apan in hunzat ding dan leh vuaksuak lou a zangthei dia Pathian pina tung a kipahthu genna leh mipi paikhomte tung a kipahthu genin zinglam dak 11 geih in hun kipan hi.

Conductor Unaupa Janglet in tannei dingte leh hunzat ding dan puankhiakna hon nei in, Unaupa Siamkhanmuan in thumna nei in biakna kipan hi. Lapitu Unaupa Lang James pina in Khristian late no. 310 mipin sakhawmna neih zawhin hunkhatna a thugentu dia seh a om Unaupa Thongginlian in:” **Ginglou Mite Lak a Khristiante'n Tate Etkolna**” chich thupi anei in anuai abang in thuggenna hon nei hi.

Delhi context et in milip 32,94,100 lak ah Khris' Saptuamte 100 kimvel lel khong ihi dan uhleh Christian kichi minpu tengteng 3,16,235 . Percent a et in 0.96% lel khong ahih dan hon pulak hi. Ginglou mi huchi bang lak a khosa ateng ihihna uah; i-tate huaite influence a omlou a bang chi kepbit ding ihia? Chich laisaingthou pansian in Pathian in kizilna leh kisinsakna ding a ana bawl inkuan pai ding dan tomkim in hon gen masa hi.

Huai ah pasalte mohpuakna, zite mohpuakna leh tate mohpuaknate , Ephesate 5:22,25, 6:1-4 pansan in **Khristian inkuan bel Tate kichilna munpi ahih ding ahih dan , nu-le-paten tate Toupa chilna leh taihilhna a kepzoh poimawh ahih dan** hon gen hi.

**** FAMILY FELLOWSHIP AT HOME- BEST PRACTICES**

Tate etkolna ding a insung a zuihtuak chinndan hoih amuhte leh azuihte ua pan zillai omthei hi atheihte practical tak hon gennte:

1. Inkuan a hunzatkhop - smartphone free time neih ding.
2. Laisiangthou simna hun zat gige ding.
3. Kithuahkhopna tangpi himhim nei ding.

Inkuan kithuahkhopna nikhat a hunbi seh a dakkal khat khong zat gige ding, huai hunsung a thildangte koihkhia a, Laisiangthou simkhopna leh Pathian thu a kithuakkhopna leh inkuan a kithuahkhopna tangpi:houlimna leh kikupkhomna hun zat ding.

Hiai bang niteng chiindante neihpihna in- tate Laisiangthou theihna khangsak in aginna uh hikkip ding, huai ban ah kithuahkhopna tangpiti nei a kikupkhom na in tate buaina leh apoimawhte uh ataksapte theihpihnaa hon neisak sem in i-tate hinkhua asia tampi apan kiveng thei ding.

I-tate hong piching nung tanpha ua nu-le-pate ginna a kinga lel maimah ahieh louh ua, sinskatu zuatheih leh khovel thubul thuhilhnate apan abith theihna ding un; Deuteronomy 6:7 agen bang in “ **tate phatuam ngaitak a sinsak sak ding-niteng ,hunting ah , huchia hon piching nung ualeng a lampial louhna ding un. Insung ah Khris thubul gindan dik isinsak zawh louh a i-tate ginna tawh kisai a mite hiam thildang hiam a ikingak sakkhak leh siatgawpna amau adin hon suak ding hi.**

** INTERNET CULTURE- A BOON OR BANE?

Tu-hun khang ah thilteng internet a kinga leh thilteng a kizang,: ahoihna tampi –nekozonna, laisimna,thiltampi a phatuam dia zatttheih. Himahleh, i-tate ginna tawh kisai in insung ah i sinsak zohlouh a Laisiangthou theihna alungtang uh idimsak zohkei leh- internet tungtawn athilmuh tam uhleh asim tamte uah hon kinga in hon ginta zo ding uhi. Huai ban ah Internet Games khong leh Social Media platforms khong in ahun manpha tampi uh hong zangbei ding uhi. Huaiziak in tate etkolna ah hiai bang zatdante hong siam theihna ding uhleh lungsim dik puut aneih theihna ding ua Pathian thu a alungsim uh izoh a isinsak ding poimawh . A kiching a thuhilhna ipiak ding ahucikei leh mundang a hon zong ding uh.

Huaiziak in, tate makaih ding, Paunakte 29:15, tate makaih leh chiil ding dan: Chiang leh salhna pia a, tate pai ding dan ibawlsak a ipi a maikaih ding. **Thilbangkim ah Khristian inkuan ah nule-pate mohpuakna bel tate makaih a Toupa thuzohna akep ding** ahieh dan gen in; thukhitna hon bawl hi.

Lapitu pina in khristian late no. 232 mipin kisakhawm a, hun masa zohna tung a Pathian kiang ah Unaupua Janglet in thumna nei in zinglam hun khatna dak 12 geih in kizou hi.

SHARING SESSION:(12:00-01:00 PM)

Pitu: Kammuanlal

Concluding Remarks Jamson, Preacher

Unaupa Thangdoulia in thumna a hon makaih in, hun khatna a thupi: Ginglou Mite Lak A Khristiante'n Tate Etkolna' chich thugenna apan in dak 12 pm in Unaupa Kammuanlal pina in unau paikhawmte'n sharing session kinei nawn hi. Hiai hun a unaute thukup tomkim abanban a chiamteh a omte anuai a bang ahi :

#.Tate hilhtam, sinsaksak ahikeileh ginglou mite tawh skul kaina leh a hunzatna tamzo ua kithuah ahihna uah, amuh tam uhle azaktamte un alungsim uh hong lazou zaw in dik honsa ding uh. Huaiziakin gingloumite sakhua chindante ; Holi, Diwali ichihte khawng adiklough dan theihsiamsak pah ding.

Tate etton hidia nule-pate kibawl lampi dik hon zuihtheih na ding ua poimawh pen khat ahi. Bangchituk in khovel khang kidang in kikhek in pilna sangmah leh Laisiangthou hunbi teng adia zatttheih, outdated ngeilou ahihna ah-Laisiangthou tungtawn a thuzoh a amaute pithei dia eimah Laisiangthou a kisin siam masak ding.

Nu-le-pate sinsaktu hih ding. I-tate ahoih theihna ding ua ei omdan gamtatdan adik masak ngai, i omdante mah hon chingtou uh ahihna ah.

1 John 2:15-17 Christian essence taktak eimah a om masak ding. Thildangte sang a Pathian amasa a akoih theihna ding ua panlak taktak ngai.

Thiltengteng Pathian toh ki-relate sak : insung a authority, thilsiamte hitaleh. Neuchik ahih ua khovel a ki expose ma ua theihsiamsak ding. Internet a piching ma uh khoih sak louh ding. Azat theih hun ua hohtak a etkai a zatsak ding. Ginglou mite festivalte a tellou dia theihsiamsak ding.

#Thilhih dingte Pathian deihdan ahi hiam chih ngaihtuah kawm a thilhih dingte ngaihtuah masak ding. Tate in apat apawt chiang ua thumna tawh khakhia a hong tung chiang ua Pathian kiang a kipahtu genna hun zatpih ding.

Tate problems tuahte khong ei buaina khong toh tehkhin pihlough a theihtawp suah panpihna piak ding. Tate hunpiak tam a athil hih uh leh alunglut uh theihpih kawm a etkai ding.

Toupa lauh dan sinsak a Pathian question sak lou dia thuhilh zohding. In a Pathianthu gendan khong zilsak ding.

Nu-le-pate'n khangthak; tulai trends khovel paidante khawng ki update touh a huaite hoihlough dante theihsiam a huaite a i-tate lungsim bangzah in azou a chihte theihpih a etkai a sinsak ding.

Sam 127:3-5 tate thaltang bang; huaiziak in koilam nga in in ithal ingima- khovel lam hia tunglam thilte, ingim na lamlam a i-tate hong pai mai ding uh.

Concluding Remarks: Jamson, Preacher apan-

Gingloumite lak a i-tate Christian huaitak leh gingloute omdante a zawh a omlouhna ding un-

1. Aneu ua pat chii-Pathian doubt saklou or Bible ginlel lou ding a Laisiangthou gente thutak ahih chih thuhilh theih tung apat a:hiai thute a thuzoh\brainwash ding. Alungtang ua thildang alut sang a Pathian thu ilut tamsak zawk zoh sawm ngeingei ding.

FAMILY FELLOWSHIP-I (March 23, 2024)

AFTERNOON SESSION

Dak 2:50 pm vel in Conductor Unp. Nekkhothang in hun kizat dingdan gen in thumna nei in hun pat ahi. Unp. Jamson in la a hon makaih in huaizoh thugentu Unp. Kamkhenthang in ahun la ngal hi.

Thugentu' thugen laktom anuai a bang ahi:

Topic: *Christian Upbringing of Children in a Denominational Environment (Khristian sungkuan in pawlbawltawm lak a tate etkolna ah)*

- Khristian ginom nu leh pate mohpuakna leh lungtup tuh atate uh Khris a om leh Toupa a ginom ahih ding uh chih ahi. (Cf Eph 6:4 & 3 John 1:4)
- Khris Saptuam te leh pawlbawltawmte kibatlouhna theihchian poimoh mahmah.
- Pawlbawltawmte lak a I omna ah Opportunities and Challenges khenkhatte:

Opportunities (Kibatnate)- Bible Pathian gingta uh, Jesu tuh Toupa leh Hondampa a pom uh, Vangam leh meidiil gingta uh, Thumna gingta uh, kikhophkawm ahoihna thei uh.

Challenges (Chouna/Haksatnate)- Hotdamna kalbite lak tuam leh laklauh tuam nei uh. Bible pawlam a thugin nei in mihingte tawndante leh chiindante tawisang uh, Thilpiak, Toupa dohkan, biakna a tumging zat, kitenna leh kikhennate ah kibatlouhna leh chouna om.

- Nu leh Pate'n pawlbawltawmte lak a tate I etkolna ah I ngiim dingte:
 1. Pawlbawltawmte gindan leh Bible a thutak akibatlouhnate theihchian a khenkaak theih ding. Huaite mah itate sinsak ding.
 2. Tate ading a etton dia om ding. Lawm leh vual, tanau toh ikithuahna ah tate ading a ithugin pen theihbuai theih dia omlouh ding.
 3. Khris a unaute ngaihnat a amau toh kipolhtam ding. Huchi hileh itate'n leng unaute mah hon ngaina ding ua pawlbawltawmte toh kithuahtawm ding uh.
 4. Lungsim leh ngaihtuahna ineihte ah pilvan ngai. Bukimlou ihi chih theikawm a kiniamkhiaktak a Pathian thu zuih ding.

Dak 3:35 vel in thugentu in thugen zou in lapitu pina in lasak khawmna om nawn a lapitu mah in thumna nei in hun zoh ahi.

Sharing hun dak 3:45 pm vel in Unp. Richard in hon makaih in hun pat ahi.

Thu kikupe anuai a bang ahi:

1. *I bitna ding ua poimohpen tuh polamte toh kipolh sang a unaute toh kipolh ahi. Himahleh hiai in I social circle neusak a tanchinhoih tangkoupihna ah nawnkainna omthei zel hi.*

* Bible in khovel mite toh kipolh ding hon khaam lou. I bitna ding ua poimoh tuh itate Toupa thuhilhna ah pii ding. Ei mahmah in I ginna theihchian a tate hilhlih ding hileh mi toh ikipolhna ah siatna hon tun tuanlou ding. I ginna theihchet louhna in buaina hon tun zaw hi.

*Polamte toh I ki socialize ding chiang in ahun leh amun ding khen theih poimoh. Hunteng leh munteng ah kithuah thei kihilou.

2. *Khalam leh salam tonkhawm ding mah ahi diam? I tate Toupa ah a om uh chih itheih tuh ikipahna ding pen ahi. Himahleh tate khalam a lohchinna sang a salam a lohchinna aneihte uh kipahpihzaw ihi diam?*

*Khowel thilte'n hon zouzaw nak sek. Salam leh khalam pen tonkhawm theilou hilou ahihziak a balance siam mahmah poimoh.

*Bible in amasazaw ding ana gen mah ahi. Agam leh adiktatna zon masak ding. Huai chihziak a salam pen nelhsiah ding chihna hilou. Sa a ilohchinnate khalam hatna a izat ding.

3. *Naupangte chiilna ah environment duhthusampen bang ahia?*

* Innkuan ki it leh kituak.

4. *Parents as role models.. thoughts?*

* Naupangte'n amuh uh, azaakte uapan a angaihtuahna uh kibawl. Communication, friendly environment bawl ding.

Sharing hun Unp. Richard in 4:30 pm vel in khak a huaizoh in Unp. Jamson in concluding remarks genna hun nei hi.

- Laisiangthou in naupang chiil ding ana gen. Nu leh pate'n tate ahi ding bangtak a ahunlai a ichiil leh alet nung ua leng mangthanglou ding uh. Ei hoihsakdan hilou in Toupa thuzohna leh hihna ah tate chiil ding ahi.

Dak 4:45 pm vel in Unp. Jamson mah in thumna nei in hunzoh ahi.